

地220.13  
135  
：7  
部二

第七本  
武備  
驛遞  
秩官

新修江寧府志



新修江寧府志卷之十七

武備

自古有文事必有武備所以示威稜以遏姦於未萌也况江寧鉅郡跨江南北表裏形勝人物阜殷兵鎮固必有以稱之矣略考古昔茲土設兵之強弱及今制法之詳江防馬政皆附紀焉作武備志

金陵形勢有龍盤虎踞之稱自吳郡秣陵城石頭為保江之根本置營列戍逮晉南渡以至梁陳此地常為京輦守衛尤重大抵臺城之外前固石頭東府後倚白下皆宿兵為衛之要地也禁衛之兵謂之臺軍統兵者為

新修江寧府志

卷之十七

武備

一

左右衛將軍殿中將軍左右前後軍將軍而盡統禁衛者則中領軍也

中領軍為禁衛中極尊之職故柳世隆為中領軍王儉為衛將軍猶修下官之

敬其餘重號將軍亦各有府置兵衛大抵出於召募矣

至於州郡之兵循漢以來舊制料民為卒總於都督州軍事而分於列郡故六朝以民兵募兵雜用其軍猥多而民瘁甚矣唐有天下置府兵散於天下而統隸京師諸衛江南道昇州有江寧軍則折衝府之一也然唐府兵之法至中葉已極敝壞故顏魯公於肅宗時為昇州刺史知劉展將反預飭戰備都統李暉以為生事譖而去之而其地遂旋被劉展之禍矣唐時率以潤州為鎮



海軍節度使治所至南唐徐溫移鎮海軍治所於昇州  
改昇州大都督府爲金陵後徐誥爲鎮海寧國諸軍  
節度使亦鎮金陵宋初廢節度使真宗乃置建康軍於  
江寧府其節度使遙領爲名而已而文臣知江寧府者  
曰知軍府事則頗統領其軍也至徽宗時以方臘之亂  
知江寧府者加馬步軍都總管於是兵權加重矣宋初  
以天子禁兵分守天下軍有指揮使不屬守土之官其  
後禁軍衰弱有急則守吏別募至乾道七年移侍衛軍  
馬六營屯於江寧城內每軍置統制以領之號行司紹  
興十二年改屯於城之內外爲駐劄御前六軍每軍增  
新修江寧府志

卷之十七

武備

二

副統制一員以領之仍沿舊制有廂禁軍之設又別設  
靖安水軍寶祐四年馬光祖置沿江制置司六寨又置  
遊擊新寨十一寨並重修江東安撫司親兵寨又置淮  
西江東總領所總劄軍寨四所於城之內外其兵則多  
矣而精銳殆寡也元置諸路萬戶府有上中下之分各  
設達魯花赤一員萬戶一員副萬戶一員建康爲下萬  
戶管兵三千以上其所屬有千戶百戶千戶府管軍七  
百以上中千戶管軍五百以上下千戶管軍三百以上  
明制提督漕運鎮守淮安總兵官駐劄其地其總督巡  
撫操江兵備以文臣監督總督稱軍門巡撫或稱提督



軍務皆兼理惟操江專督巡江其下有遊兵營駐劄新江口自狼山至圖山與通泰合兵巡哨今裁歸督標又禁衛設五軍都督府三十二衛指揮使司有畱守左衛鎮南衛水軍左衛驍騎右衛龍虎衛龍虎左衛英武衛龍江右衛瀋陽左衛瀋陽右衛隸南京左府畱守右衛虎賁右衛水軍右衛武德衛廣武衛隸右府畱守中衛神策衛廣洋衛應天衛和陽衛及牧馬千戶隸中府畱守前衛龍江左衛龍驤衛飛熊衛天策衛豹韜左衛隸前府畱守後衛橫海衛鷹揚衛興武衛江陰衛隸後府又親軍衛指揮使司十有七金吾前衛金武後衛金武左衛金吾右衛

新修江寧府志

卷之十七

武備

三

羽林左衛羽林右衛羽林前衛府軍衛府軍左衛府軍右衛府軍後衛虎賁左衛錦衣衛旗手衛江淮衛濟州衛孝陵衛與左府所屬十衛右府所屬五衛前府所屬七衛後府所屬五衛並聽中府節制此諸衛所居不可盡考然大抵居江寧者爲多衛各有倉今城中尙多存其地諸衛始設固皆可戰之兵也至其數傳不可云兵市人而已則今之運丁是也

國朝

鎮守江南江寧京口等處地方將軍一員

額馬二十匹

滿洲駐防自順治二年始設驍國公二員梅勒章京二員三年改設昂邦章京二員梅勒章京奉裁九年只設



昂邦章京一員十四年復設梅勒章京二員至十七年改昂邦章京為總管改梅勒章京為副都統十八年改總管為將軍

鎮守江南江寧等處副都統一員順治二年設都統二員乾隆三十四年奉

旨裁汰一員統轄正黃鑲黃正白鑲白正紅鑲紅正藍鑲藍八旗都統額馬十五匹

協領八員每員額馬八匹

佐領三十二員每員額馬八匹

防禦四十員每員額馬五匹

驍騎校四十員每員額馬四匹

將軍衙門九品筆帖式三員每員額馬四匹

以上大小官員一百二十五員外

新修江寧府志 卷之十七 武備

鑲白旗世襲恩騎尉一員

領催二百四十名係每旗三十名每名額馬三匹其恩騎尉前鋒校前鋒馬甲馬數俱同至

砲手以下無馬

委署前鋒校十六名係每旗二名

前鋒一百二十八名係每旗十六名

馬甲二千八百六十三名鑲黃旗三百九名正黃旗三百八名鑲紅旗三百十二名

正白正紅鑲白正藍鑲藍五旗俱三百十名

砲手六十一名係鑲黃正黃二旗俱九名正紅旗八名正白鑲白鑲紅正藍鑲藍五旗俱七名

弓匠四十名係每旗五名

箭匠四十名係每旗五名



鐵匠四十名 係每旗五名

步甲五百七十七名 係鑲黃正黃正紅鑲紅正藍五旗俱七十二名正白鑲藍二旗俱七

十一名鑲白旗七十名

養育兵一千五百名 係鑲黃正紅鑲紅三旗俱一百三十名正白鑲白二旗俱一百三十

三名正黃正藍二旗俱一百三十一名鑲藍旗一百三十二名

以上大小甲兵四千六百六十六名

各官共額馬七百五十九匹內現拴四百匹歲需俸薪

餉乾銀十四萬五千五百八十八兩米十三萬三千九

百四十五石豆十一萬七千五百二十七石草七百五

萬一千三百二十束

新修江寧府志 武備

其兵額馬八千五百八十九匹現拴馬二千八百六十

三匹除留備操防外向在安徽太平府屬當塗蕪湖二

縣境內萬春湖牧放春夏湖水漲發撤回則在神烈山

一帶牧放

雍正五年二月初六日奉

旨水師甚屬緊要現今天津設立水師滿洲官兵操練學習其

江寧駐防滿洲官兵亦應照天津水師之例設立水師操練

鎮江水師現有船隻將此船內酌量撥給江寧將軍令其學

習操練至如何操練應撥給船隻若干或船隻不敷作何添

造之處爾部一併定議具奏欽此



旨依議

雍正九年十一月二十二日奉

新修江寧府志

卷之十七

武備

六

兵部議江寧地方控江連海設立水師甚有裨益應將  
 江寧滿洲蒙古官兵照天津水師例設立水師其江寧  
 駐防八旗滿洲蒙古馬兵四千名應選年力精壯者撥  
 一千名設為水師派協領四員佐領防禦驍騎校各十  
 二員管轄每年春秋在大江學習操練查鎮江將軍標  
 下有唬船四隻沙船七十六隻每船各設磨盤砲一位  
 子母砲二位百子砲四位捕盜航工等項水手各十六  
 名今江寧既設水師應將鎮江所有沙船勻配大小二  
 十隻并捕盜航工等項水手磨盤子母百子等砲一併  
 撥給江寧將軍仍令食原餉銀米同滿洲兵丁學習操  
 練再於鎮江水師營內揀選熟識水性千把四員遇操  
 練時令其前往江寧分配八旗教習操練至操畢時回  
 任俟滿洲語練之日停其教習此教習操練每船分配  
 滿洲官一員兵二十五名分為兩班若量船之大小宜  
 增減官兵處該將軍等酌量增減分配將軍等不時巡  
 看操練再大江中停泊船隻最為緊要應行令該將軍  
 等會同江南總督勘定可以停泊之處加緊停泊奉

上諭朕因各省駐防兵丁技勇多屬生疏營伍亦覺廢弛所養

馬匹多不足額其中漢軍為尤甚已於今年八月間先行曉

諭申飭俟明年春月各差科道等官前往查看倘仍不悛改

嚴加議處朕思營伍廢弛兵丁怠惰之習若該管官弁等果

能實心整頓訓練數月之內即可改除惟是馬匹不敷額數

若責令一時購買足額或至馬價昂貴兵丁力量艱難況於

南方諸省平時既難喂養而一時急切買補又較難於北方

著該將軍等酌量稍為變通現養幾匹其所少者存價於官

一有調遣即可購買應用不致遲誤公事此朕格外體恤之

特恩若再奉行不力一經查出弁兵等俱不寬貸特諭欽此



總督江南江西軍務部院軍門

駐劄江寧府順治二年設經略招撫內院大學

士後改總督轄江南河南江西三省六年改轄江南江西二省康熙元年裁操江都御史歸併兼管十三年改

專轄江南一省二十一年復轄江南江西二省兼轄安慶遊兵二營

中營 順治五年設舊額副將一員守備一員千總二員

把總四員馬戰兵二百九十七名步戰兵八十八名守兵五百八十五名官坐馬二十八匹戰馬二百九

十七匹渡馬淺船六隻康熙二十四年改馬戰兵一百

十五名為步戰兵裁戰馬一百十五匹二十六名裁馬

戰兵三十三名戰馬六匹三十五年裁步戰守兵八十八

七名三十八年裁守兵二百五十名赴黃河雍正二年

撥守兵十一名入太湖營五年撥守兵六名入蘇州營

七年添設外委千把總六員八年撥千總一員坐馬二匹入泰州營

副將一員都司一員千總一員把總四員外委千總二

員把總四員 俱駐江寧府城內 額外外委六員

新修江寧府志 卷之十七 武備 七

馬戰兵二百三十二名步戰兵二百八十六名守兵一

百七十八名官坐馬二十六匹戰馬二百三十二匹渡

馬淺船六隻歲需俸薪餉乾連閏一萬四千一百四十

六兩五錢七分六釐零其支兵米二千五百零五石六

斗外設火藥局匠六名每年口糧三石六斗

左營 順治五年設舊額遊擊一員守備一員千總二員

把總四員馬戰兵二百九十八名步戰兵八十七

名守兵五百八十五名官坐馬二十二匹戰馬二百九

十八匹渡馬淺船五隻康熙二十四年改馬戰兵一百

十五名為步戰兵裁戰馬一百十五匹二十六名裁馬

戰守兵三十三名馬六匹三十五年裁戰守兵八十七

名三十八年裁守兵二百五十名雍正二年撥戰守兵

七名入太湖營五年撥守兵六名入蘇州營七年添設

外委千把總六員八年撥守兵四名入泰州營城守左

營都司經管聚寶通濟正陽太平五門共設門禁十名



門軍四  
十名

遊擊一員中軍守備一員千總二員把總四員外委千

總一員把總四員俱駐江寧城內

馬戰兵二百一十名步戰兵二百三十六名守兵一百

六十三名官坐馬二十二匹戰馬一百七十七匹渡馬

淺船五隻歲需俸薪餉乾連閩銀一萬三千五百八十

三兩六錢六分四釐零米二千一百九十二石四斗

雍正六年總督范時繹疏兩江地方沿海營汛多係水師所用軍器以火器為主演放鎗砲足以致遠至大刀藤牌鈎鏢鎗鉞斧標鎗鐵彈等件亦利水師之用無庸酌議其陸路兵丁所用軍器有三眼銃長鎗三眼銃雖係火器不能致遠長鎗遇有險狹地面不能旋轉任使嗣後將三眼銃改為鳥鎗長鎗改為籐牌俾器械一式

新修江寧府志

卷之十七

武備

八

旨允行

操演相同庶通省兵丁分之則技藝各精合之則隊伍一體不論山險川平皆可相資為用得

江寧城守副將統轄七營

內左右奇浦溧五營屬江寧府地方其瓜洲青山營係揚

州府儀徵江都鎮江府丹徒地方再遊兵乃江寧揚州二府屬

左營

順治三年設屬江寧提督管轄十六年提督撤歸設總管統轄仍屬提標十八年提督移駐松江屬

總鎮統轄康熙七年改設副將兼轄浦口溧陽二營舊額遊擊一員守備一員千總二員把總四員馬戰兵二

百八名步戰兵五十八名守兵三百七十七名官坐馬

三十四匹戰馬二百八匹二十四年改馬戰兵十名為

步戰兵七十三名為守兵裁馬八十三匹二十六年裁

馬步戰守兵二十三名為馬四匹三十五年裁步戰兵二  
十四名雍正二年撥步戰守兵十名入太湖營五年撥  
馬戰守兵六名戰馬一匹入蘇州營七年添設外委千  
把總六員八年撥安慶營所轄  
奇兵瓜洲二營歸本標兼轄



副將一員中軍守備一員都司一員千總二員把總四員外委千總二員把總四員俱駐江寧城內

馬戰兵九十八名步戰兵四十名守兵三百六十一名坐馬三十四匹戰馬九十八匹歲需俸薪餉乾連閏銀一萬一千六百九十五兩七錢六分四釐零每歲支兵米一千七百九十六石四斗

是營防守上元江寧二縣地方上元縣汛地墩堡四十六處江寧縣汛地

墩堡二十四處

右營順治三年設康熙七年歸協標統轄舊額遊擊一員守備一員千總二員把總四員馬戰兵二百八十八名步戰兵五十八名守兵三百七十七名官坐馬二十二匹戰馬二百八匹二十四年改馬戰兵十名為步戰

新修江寧府志

卷之十七

武備

九

兵七十三名為守兵裁馬八十三匹二十六年裁馬戰守兵二十三名馬四匹三十五年裁步戰兵二十四名雍正二年撥步戰守兵十名入太湖營五年撥馬戰守兵六名馬一匹入蘇州營七年添設外委千把總六員十年遊擊改設都司城守右營經管三山石城儀鳳定淮神策五門內除定淮一門係左右營九門輪派只四門共設門禁一百八十八名門軍三十三名

都司一員中軍守備一員千總二員把總四員外委千總二員把總四員俱駐江寧城內

馬戰兵九十七名步戰兵四十名守兵三百六十一名官坐馬二十二匹戰馬九十七匹歲需俸薪餉乾連閏銀九千九百兩零一錢二分八釐米一千七百九十二石八斗



是營防守上元江寧二縣地方

上元縣汎地墩堡二十七處江寧縣汎地

墩堡五十六處

遊兵營

順治初設屬操撫標下康熙元年操撫裁本營歸併總督兼管舊額遊擊一員守備一員千總

二員把總三員馬戰兵二十六名步戰兵一百二十六名守兵五百八十九名官坐馬二十四匹戰馬二十六匹

大唬船一隻小唬船二十七隻三十五年裁步戰兵二十八名雍正二年裁步戰守兵六名五年裁步戰守兵

七名七年添設外委千把總五員

遊擊一員中軍守備一員千總二員把總三員外委千

把總二員把總三員哨官二員

馬戰兵二十六名步戰兵九十六名守兵五百七十八

名官坐馬二十四匹戰馬二十六匹大唬船一隻小唬船

新修江寧府志

卷之十七

武備

十

二十七隻歲需俸薪餉乾連閏一萬六百八十四兩二

錢四分五釐零米二千七百三十石

是營管守江寧縣汎地墩堡止二處餘管和州無為

州含山桐城銅陵繁昌蕪湖當塗南陵青陽二州八

縣汎地墩堡共五十二處

奇兵營

順治初額設屬操江標下後隨操撫赴皖駐防改為太平右營十六年復設康熙元年裁操江

歸併督標安慶營統轄舊額遊擊一員守備一員千總二員把總三員哨官二員馬戰兵二十名步戰兵一百

五十五名守兵六百二十五名官坐馬二十匹戰馬二十匹唬船二十三隻二十二名裁馬步戰守兵三十二

名馬三匹二名雍正二年裁步戰守兵二十七名三十五年裁步戰兵二十八名雍正二年撥戰守兵六名入太湖

營五年撥步戰守兵七名入南匯營七年添設外委千把總五員八年改歸江寧協鎮統轄十三年添設守備



一員馬戰兵二十名步戰兵三十名守兵五十名馬二十匹

遊擊一員駐劄儀徵縣守備二員一駐劄儀徵縣一駐劄青山頭千總二員

一駐防江寧縣新江口把總三員一駐防新江口一駐防儀徵縣舊江一換防儀徵縣

外委千總二員把總三員協同經制千把總防守哨官

二員一巡防左哨江汛一巡防右哨江汛

馬戰兵十三名步戰兵一百一十一名守兵五百一十

二名官坐馬二十五匹戰馬十三匹巡哨船十七隻歲

需俸薪餉乾連閏銀一萬零六百兩二錢九分四釐零

米二千二千二百八十九石六斗

是營防守上元江寧句容江浦六合五縣地方兼管

新修江寧府志

卷之十七

武備

十一

丹徒儀徵二縣上元縣汛地墩堡十七處江寧縣汛地墩堡五處

江浦縣汛地墩堡九處六合縣汛地墩堡八處兼管丹徒儀徵墩堡五十一處

浦子營順治二年設立總兵三年改副將七年改參將康熙十六年改守備舊額守備一員千總一員

把總二員馬戰兵五十五名步戰兵四十八名守兵二百八十八名官坐馬十匹戰馬五十五匹雍正二年撥步

戰守兵三名入太湖營五年撥守兵四名入南匯營七年添設外委千把總三員十年守備改設都司僉書

都司僉書一員駐防江浦千總一員駐防江浦六合把總

二員一駐防來安縣一駐防全椒縣外委千總一員把總二員協同經制千把

總防馬戰兵四十七名步戰兵七十五名守兵二百五

十七名官坐馬十匹戰馬四十七匹歲需俸薪餉乾連

閏銀七千零八十三兩七錢七分六釐零米一千三百



六十四石四斗

是營防守江浦六合二縣兼管滁州來安全椒地方

江浦縣汎地墩堡七處六合縣汎地墩堡六處滁州來安全椒十五處

深陽營 順治三年設副將七年改參將康熙十三年改

守備舊額守備一員千總一員把總二員馬戰

兵三十名步戰兵七十二名守兵二百四十三名官坐

馬十匹戰馬三十四匹二十二年裁馬步兵十四名馬二

匹二十五年裁馬步戰兵十二名馬一匹三十四年裁

步戰兵十二名雍正二年撥步戰守兵三名入太湖營

五年撥守兵三名入南匯營七年添設外

委千把總三員十年守備改設都司僉書

都司僉書一員 駐防溧陽縣 千總一員 駐防高淳縣 把總二員 駐一

防溧陽縣一外委千總一員把總二員協同經制千額

駐防句容縣 外委千總一員把總二員

外委二員

新修江寧府志

卷之十七

武備

三

馬戰兵連外委三十三名步戰兵六十二名守兵二百

八名官坐馬十匹戰馬三十三匹歲需俸薪餉乾連閏

銀五千七百六十七兩零一分六釐米一千零九石八

斗

是營防守溧水句容高淳三縣地方兼管溧陽

溧水縣汎地墩堡四處句容縣汎地墩堡八處

高淳縣汎地墩堡五處溧陽十處

江防

大江南岸經太平府當塗縣博望山而東入郡界其要

地有九日慈姥山在江寧縣西南一百十里方輿紀要

云積石臨江崖壁峻絕齊建元初置軍於此以備魏曰



馬家渡在縣西南九十五里卽今和州鮎魚嘴至慈湖之江渡古江中洲曰馬家洲洲內江曰礪沙夾宋呂祉曰礪沙夾江面狹於采石捨舟登岸平原曠野此騎兵之地葉適曰馬家渡與采石相去六十里采石江濶而險馬家渡江狹而平舊志云礪沙夾在府西南七十里與馬家渡相接按古建康北江中之洲其形甚長殆可百里故北兵自壽陽廬州至江不能逕渡南岸必西上歷陽至采石乃過及南宋言邊防者始以馬家渡爲衝要蓋其地江洲爲洪濤崩削中斷數十里非復六朝之江形矣曰烈山在縣南七十五里臨大江輿地志吳時津濟處也齊建元初置軍於此以備魏曰江寧鎮在縣南六十里呂祉曰此太平入建康水陸之衝關係

新修江寧府志

卷之十七

江防

三

至重曰三山在縣西南五十七里輿地志三山周迴四里大江從西來勢如建瓴此山突出當其衝有三峰南北相接積石森鬱濱於大江吳時津戍處也齊建元初亦置軍於此以備魏曰大勝關在縣西南三十里方輿紀要云其地卽大城鎮有大城港合板橋新林等浦之水入江爲江流險阨處旁有壠阜亦曰大城岡宋置巡檢寨紹興二年復置烽火臺曰新江關在上元縣西北十二里方輿紀要云關在江東門外北出中新河渡江二十里達浦子河口明世江防治中駐焉呂祉曰自吳以來石頭南上至查浦查浦南上至新亭新亭南上至



新林新林南上至板橋板橋南上至洲洲陸有城阜水有舟楫建康西南面之險也

按古之新亭去石城不遠而臨江今江徙出地不臨

江而新亭之迹亦泯新林略當今之大勝關也

曰燕子磯自新江關而東過郡

城之北巨洲橫其外幕府白石峻山蔽其內此形勢之固也江又東下至燕子磯則山嶂與洲俱盡北對六合之瓜步此又江防之要矣又東北則攝山又東北則龍潭之蜀港曰龍潭鎮在句容縣北六十里明初置巡司兼設水馬驛遞歲積倉於此爲濱江要害其下之水通江者曰蜀港西南至江寧九十里東北至鎮江府六十里方輿紀要云下蜀港俗呼爲官港宋紹興十一年虞

新修江寧府志

卷之十七

江防

古

允文駐京口命張深守滁河扼大江之衝以苗定駐下蜀爲援卽此地也江過此出郡東北界入鎮江丹徒境矣其江之北岸則自和州烏江鎮入郡江浦界東至浦口城南舊志云宣化鎮在六合縣南六十里舊有晉王城相傳晉王廣所築蓋卽當今之浦口矣又東六十里曰瓜步山在六合縣東二十五里渡江至南岸二十里又沿江西南行二十五里卽觀音門滁河於此出江爲歷代屯戍之處鮑明遠云瓜步亦江中之眇小山耳徒以因迥爲高據絕作雄臨清瞰遠擅奇含秀亦居勢使之然也古瓜步臨江今沙漲瓜步至江口二十里江又



東北至揚州儀徵四十里

國家以江防同知主察江津盜賊建設防江營汎南岸起

江寧縣烈山汎

西南與當塗縣汎接界

東北五里至白廟汎二汎

係遊兵營右哨把總管轄又五里仙人磯汎又五里河

口汎又五里犢兒磯汎又五里三山汎又二十里大勝

關汎又二十里雙閘汎又十五里鐘璣溝汎又五里上

河簾灣汎八汎係奇兵營左哨把總管轄又五里新江

口汎又十五里草鞋夾汎二汎係奇兵營左哨千總管

轄過此入上元縣界起七里洲汎東北三十里至燕子

磯汎又五里傅家溝汎又十里草堂寺汎四汎係奇兵

新修江寧府志

卷之十七

江防

五

營左哨千總管轄又十里朱家嘴汎又十里九分塘汎

二汎係奇兵營右哨把總管轄又十里北江邊汎又五

里三江口汎又十里栢家閘汎三汎係奇兵營右哨千

總管轄過此入句容縣界起螺螄溝汎東北二十里至

天寧洲汎又七里坎潭橋汎

東北與丹徒縣汎接界

三汎係奇兵

營右哨把總管轄三縣共列二十四汎計程二百三十

五里北岸起江浦縣響水套汎

西南與和州汎接界隔岸直江寧縣三山汎

東北十里至公子洲汎又十里西江汎又十里黃瓜隴

汎又十里楊四廟汎五汎係奇兵營左哨把總管轄又

十里浦口汎過此入六合縣界起浦山汎東北十五里



至高埂頭汎又十里急水溝汎又十里王家溝汎又十里二套口汎六汎係奇兵營左哨千總管轄又五里田家橋汎又五里沙洲嘴汎又十里段腰口汎又十里瓜步汎又十里西溝汎東北與儀徵縣汎接界五汎係奇兵營右哨把總管轄二縣共列十六汎計程一百三十五里

### 馬政

南方天暑熱而地卑溼畜馬孳生非所宜也然而古有為是謀者偏安之世不得已之策也明太祖既一天下而猶令南畿畜牧卒為民害久亦廢之此其利弊固可考矣晉江左省太僕官侍御史置庫曹掌厩牧按方輿紀要順

### 新修江寧府志

### 卷之十七

馬政

六

天府北二十里有馬印洲周二十里晉元帝渡江初牧馬地也梁置太僕卿統南牧左右牧龍廐內外廐宋既南渡先是蜀中買馬歲付鎮江牧之紹興十九年正月分送江上諸軍仍立賞罰詔馬五百匹為一監牡一而牝四之監分四羣歲產駒及三分及斃二分以上者有賞罰市馬南於邕管西於岷黎迨景定間沿江制置使姚希得初買戰馬議於是撥一百萬貫專委都統趙紀祥收買戰馬以備調用越三年希得去任後制使馬光祖踵之建馬寨遂度地建康南門之外曰沙井者為寨以謂河澚近則浴之易芻菱便則飼之勤列楹一千有四糜糴錢一十一萬五千有奇



米八百二十三石有奇後省劄令每寧江軍一千人以二百人爲騎軍寧江前軍馬六百二十八匹後軍亦六百二十八匹江上兩軍其馬一千二百五十六匹此南宋江津畜馬之數矣明洪武初建都金陵令應天及太平鎮江廬州鳳陽揚州六府滁和二州民牧馬六年設太僕寺於滁州統於兵部後增滁陽五牧監領四十八羣兼置草場於湯泉屬江浦縣原設草場六處後增五處在懷德鄉曰野雞場石村場遵教鄉曰號岡場王村場白馬鄉曰龍洞場白蓀場任豐鄉曰高塘場茅塘場豐城鄉曰苜蓿地場馬廠場孝義鄉曰湯溝場既而以監牧歸有司專令民牧江南十一戶江北五戶則養馬一復其身始曰戶馬既曰種馬太僕官

新修江寧府志

卷之十七

馬政

七

督理歲正月六月報定駒七月至十月報顯駒十二月報重駒歲終考馬政以法賞罰府州縣官吏至成化二年以南土產馬少改徵銀是時民漸苦養馬六年吏部侍郎葉盛言向時歲課一駒而民不擾者以芻牧地廣民得爲生也自豪右莊田漸多養馬地漸不足洪熙初改兩年一駒成化初改三年一駒馬愈削民愈貧請敕邊鎮隨俗所宜凡可以買馬足邊軍民交益者便宜處置初明祖起江左所急維馬屢遣使市於四方正元壽節內外藩封將帥皆以馬爲幣外國土司番部以時入貢朝廷每厚加賜予所以招攜懷柔者備至自後徂於



承平駕馭之權失馬無外增惟恃孳生歲課當元末兵火之後土荒地廣猶便放牧至承平久田闢而馬場不得不削重以官吏侵漁牧政荒廢軍民交困矣

國初乃除種馬弊政市馬於西北口外孳牧於陝甘轉逮南省江寧駐防及綠營官坐馬戰馬胥歸本營官兵牧養無累於民豆草銀費向藩庫支領凡購買營馬至口外者咨部給票至鄰省者咨所市地方督撫按數印烙給照營馬報斃歲不得過十分之三馬役三年可報斃未及期斃者責賠官兵每月朋扣俸餉餘銀解藩司馬闕動支買補歲終奏銷芻牧之數具冊報部諸營有牧

新修江寧府志

卷之十七

馬政

六

場者依界植柳編籬或掘溝爲限如越境蹂躪禾稼兵論如律本管官例有降罰

額設馬數駐防官坐馬將軍二十四副都統十五匹協領每員十二匹佐領每員八匹防禦每員五匹驍騎尉每員四匹筆帖式每員四匹江寧駐防各官共坐馬七百五十九匹駐防戰馬領催每名三匹前鋒校前鋒馬甲每名均如領催江寧駐防兵共戰馬八千五百八十六匹官坐戰馬每匹均歲支折豆草銀九兩二錢八分二釐其牧地在安徽太平府當塗蕪湖二縣境內之萬春湖牧放至夏令湖水漲發撤回在上元縣界之神烈



山一帶牧放

額設綠營官坐馬副將十二匹遊擊六匹都司四匹千  
總把總均二匹江南督標中營各官共二十六匹左營  
共二十四匹江寧城守左營共三十二匹右營共十六  
匹奇兵營共二十匹浦口營溧陽營均共十匹綠營戰  
馬督標中營二百三十二匹左營二百一十一匹江寧城  
守左營九十八匹右營九十七匹奇兵營十三匹浦口  
營四十七匹溧陽營三十三匹官坐戰馬每匹均歲支  
折豆草銀十一兩二錢四分

新修江寧府志

卷之十七

馬政

九



